



---

Općinski štab civilne zaštite

Broj: 09/1-40-1-2280-7/2020  
Hadžići, 23.04.2020. godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“ broj 39/03, 22/06 i 43/10), člana 29. stav 1. tačka 3. Pravilnika o načinu rada i funkcionisanja štabova i povjerenika civilne zaštite („Službene novine Federacije Bosne i Hercegovine“ broj 77/06, 05/07 i 32/14) i člana 19. Poslovnika o radu Općinskog štaba civilne zaštite broj 09/1-44.5-8423/2007 od 06.09.2007. godine, Općinski štab civilne zaštite na trećoj vanrednoj sjednici održanoj 22.04.2020. godine d o n o s i

### Z A K L J U Č A K

1. Procjenjuje se da je trenutna epidemiološka situacija na području općine Hadžići po pitanju koronavirusa (COVID-19) povoljna. Općinski štab civilne zaštite je preduzeo niz mjera i situaciju drži pod kontrolom uz preporuku da se građani i dalje pridržavaju epidemioloških mjera.
2. Općinski štab civilne zaštite zahvaljuje građanima i pravnim licima na području općine Hadžići na poštivanju i sprovođenju naloženih mjera. Potrebno je adekvatne mjere usmjeriti prema bolesnim licima, bez obzira na prirodu bolesti, kao i prema iznemoglim i starijim licima koji nemaju bližnjih srodnika.
3. Po pitanju pomoći građanima izvršeno je preduzimanje određenih mjera u smislu obezbjeđivanja prehrambenih paketa ugoženim domaćinstvima. Aktivnosti ove prirode nastaviti ukoliko okolnosti na terenu budu zahtjevale, u skladu sa finansijskim mogućnostima općine Hadžići. Takođe općina Hadžići je izvršila obezbjeđivanja „poljoprivrednih korpi“ i poljoprivrednih površina za proljetnu sjetvu.
4. **Općinski štab civilne zaštite inicira Federalnom štabu civilne zaštite i Štabu civilne zaštite Kantona Sarajevo sljedeće:**
  - a) Da se izvrši analiza Naredbe Federalnog štaba civilne zaštite koja se odnosi na zabranu kretanja osobama mlađim od 18 godina i starijim od 65 godina na području Federacije Bosne i Hercegovine u smislu njenog trajanja i relaksiranja za ove kategorije stanovništva.
  - b) Da se omogući kretanje licima, u vrijeme kada je to zabranjeno, a koja imaju stvarnu i neodloživu potrebu (lica koja vrše neophodnu njegu bolesnika u kućama i stanovima, lica koja trebaju neophodan odlazak u zdravstvenu ustanovu i sl.).

- c) Da se djeci ispod 18 godina starosti, zbog mogućih psihičkih posljedica i jačanja imunološkog sistema, omogući kretanje u određene dane i u određeno vrijeme uz pridržavanje epidemioloških mjera.
- d) Da Federalni štab civilne zaštite u saradnji sa Islamskom zajednicom u Bosni i Hercegovini izvrši analizu naredbe koja se odnosi na vremenski period zabrane kretanja na području Federacije Bosne i Hercegovine. Inicira se da zabrana kretanja bude od 23,00 h do 05,00 h zbog uspostavljanja režima obavljanja vjerskih obreda građana islamske vjeroispovjesti u vjerskim objektima na kompromisan način između procijenjenog rizika od koronavirusa i stvarnih vjerskih potreba, uz pridržavanje svih epidemioloških mjera. Takođe, potrebno je utvrditi do kada će biti zabrana kretanja, s prijedlogom da se izvrši analiza mogućnosti ukidanja tzv. „policijskog sata“ u skorije vrijeme, shodno epidemiološkim okolnostima.
- e) Da se dozvoli rad zanatskim radnjama, obrtnicima uz pridržavanje svih epidemioloških mjera.
- f) Zbog ogromnih gubitaka u ekonomskom smislu, velikog broja radnika koji su ostali bez posla i drastično smanjenih privrednih aktivnosti, općina Hadžići iz svojih budžetskih sredstava neće biti u mogućnosti izvršiti sanaciju nastalih šteta te se po tom pitanju traži odgovornost, u smislu nadoknade nastale štete, od strane donosioca Odluke o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID - 19) i donosioca naredbi o zabranama rada raznih djelatnosti.
- g) Da Federalni štab civilne zaštite naredbu kojom je naređeno nošenje maski i sl. istu uskladi sa preporukama Svjetske zdravstvene organizacije (WHO) po tom pitanju.
- h) Da Štab civilne zaštite Kantona Sarajevo izvrši izmjenu i dopunu naredbe broj 08-40-423-12/20 od 22.03.2020. godine, a koja se odnosi na organizovanje radnog vremena, u smislu vremenske dužine njenog trajanja.

**DOSTAVITI:**

1. Federalnom štabu civilne zaštite,
2. Štabu civilne zaštite Kantona Sarajevo,
3. A r h i v i, -

**K O M A N D A N T  
OPĆINSKOG ŠTABA CIVILNE ZAŠTITE**

Hamdo Ejubović, dipl.ing.maš